

**Oqaasiliortut tallimangornermi juunip ulluisa aallaqqaataani**  
**2001, nal. 13.00 ataatsimiinerannit imaqarniliaq**

Peqataasut: Carl Chr. Olsen, Alibak Steenholdt, Nuka Møller, Kelly Berthelsen, allatsigalugu Kristine Olsvig. Sofia Geisler peqataasinnaanani nalunaaruteqarsimavoq.

Oqaluuserisat:

1. Oqaluuserisassat qulequtaannik akuersineq.
2. Maajip ulluisa 18-ianni ataatsimiinnermit imaqarniliamut akuersineq.
3. *Qulliarneq.*
4. *Atortorissaarutilerisoq aamma namminersortunngorsaaneq.*
5. *Sallunaveeqqut.*
6. Atuakkiorfik/Ilinniusiorfik-up ordbogimik takornartat oqaasiinik saqqummersitsiniarnera, Miilu Lars Lundimit suliaq.
7. Taasariaqartut allat.


- 1 pillugu -

Oqaluuserisassat akuerineqarput.

- 2 pillugu -

*Qerinnarpoq* pillugu AS Isak Johansenimut KNR-illu sulisuinut allagaqassaaq, *frysepunkip* 0 gradillu immikkoortillugit qanoq oqaatigisarnissaannik imalimmik. Imaqarniliaq akuerineqarpoq.

- 3 pillugu -



CCO.: *Qulliarneq* oqaatsit ataasiakkaat nalunaarsorneqarnerannit, Oqaasiliortunit siornatigut suliareqqinniarlugit aallartinneqarsimagaluartunit takussaavoq. Oqaatsit ataasiakkaat nalunaarsorneqarneranni allassimasut Oqaasiliortunit tamakkiisumik akuerineqanngillat. Oqaatsit ataasiakkaat nalunaarsorneqarnerat taanna Jørgen Hansenip nutserisut allat peqatigalugit suliarisimasaat Oqaasiliortunit suliaralugu aallartinneqarsimagaluarpoq pilaarnartupilussuusimallunili.


*Qulliarneq* ordbogini ilaanngilaq. Hans Larsenip oqaatigisimavaa oqaatsip atornerqarnera inuit akornanni nersussuit nappaataattut paasineqartartoq, kisiannili qangaanerusoq utoqqaat qulliliuinnaalersimasut *qulliantunik* taaneqartarsimasut.

AS.: Oqaatsit ataasiakkaat nalunaarsorneranni allassimanera najoqqutaralugu *mund og klowsyge* ima kalaallisut nutserneqarsimavoq: "Qulliarneq qanikkut kukiffatsigullu nappaat". AS-ip *qulliarneq* pillugu misissuigami ordbogini assigiinngitsuni pineqartoq allassimanngimmat annertunerusumik paasisaqarfiginngilaa. Taamaallaalli *nuffiorneq* siumorsimallugu, ima qallunaatut nutserneqarsimasoq: "*hoster slim op*" aamma "*savler*". Taamaattumik isuma taanna nappaammut qaninnerummat *qulliarneq*-mut taarsiullugu *nuffiorneq* naleqqunnerutillugu atorariaqarsoraa.

AS-ip tupigusuutigaa 1980-ikkut naalerneranni Oqaasiliortunit oqaaseq sammineqarsimassappat Robert Petersenip 1997-imi "Oqaatsit" saqqummersikkamiuk *qulliarneq* ilanngussimanngimmagu.

Oqaaseq kukkusumik tunngaveqarluni sungiussineq tunaartariinnarlugu atornerqarnera sianigisariaqarpoq aammalu aaqqittariaqarluni.

*Mund og klov*: tassani qaneq kukiffaallu pineqarput. Nappaatip taassuma ersiutigisartagai uumasup nakorsaanut paasiniarneqartariaqarput, nappaatip ersiutai najoqqutaralugit erseqqinnerusumik naleqqunnerusumillu nappaat taaguusersinnaaqqullugu.



KB.: Meeqqat nuakoortut *qulliarntunik* taaneqartarpata nersutillu napparsimanermikkut nuakoortarpata *qulliarunik* taaneqartarnerat ajoriffissaqartinngilaa. Avannaani qimmit qimutsillutik nuakuuleraangata aamma *qulliarunik* taaneqartarput. Tassunga aamma assersuutissaalluarpoq nappaat *nukillaarneq* tassa *polio*.

NM.: Meeraaqqat kigutisseralutik nuakoortut avannaamiut *qulliarunik* taasarpaat. Nersutit nappaataat nuakoornermik kinguneqartartoq tunngavigalugu, inuit sungiutereerpaat *qulliarunik* taaguuteqartillugit. Inuit taaguutitut sungiuteriigaat atuinneqarsinnaappat NM-ip ajoriffissaqartinngilaa.


CCO.: CCO-ip Robert Petersenillu eqqaamasaat najoqqutaralugit oqaaseq sammineqareerpoq, kisiannili aalajangersaavigineqarsimagunanngimmat takussutissartaqanngilaq.

Nappaatip ersiutigisartagai uumasut nakorsaannut paasiniarneqassapput ilanngullugulu Jørgen Hansen paasiniaaffigineqassaaq, suna tunngavigalugu oqaatsit ataasiakkaat nalunaarsorneqarfianni nappaat *qulliarneq*-mik taaguuserneqarsimansoq. Misissuinerit kingorna tunngavissarsinngikkunik nappaatip isumaanut naleqqunnersumik Oqaasiliortut taaguusiisinnaapput. Oqaaseq misissuiffigineqareerpat uterfigeqqinneqassaaq.

- 4 pillugu -

*Atortorissaarutillerisoq* aamma *namminersortunngorsaaneq* Sofia Geislerip saqqummiussarimmagit matumani peqataannginnera peqqutigalugu oqaluuserinissaat kinguartinneqarput.

- 5 pillugu -



AS.: Oqaaseq *gidsel* inatsisinik ilisimatusaatinut (juramut) tunngavoq. Inuk pinngitsaalineqarluni inuunerminik navianartorsiortinneqalersarpoq. Inuk pinngitsaalisaaq sallunaviannngilaq, taamaattumik *sallunaveeqqutitut* taaneqartarnera eqqortuusorinngilaa. Inuit allat ulorianartorsiortinneqalersut qanoq kalaallisut taaneqassappat?

*Pant* isumaqatigiissuteqarnerup kingorna sallunaveersaarnissamut tunnganeruvoq. Ima paasillugu: inuup aningaasat atukkani taarsersinnaajunnaarpagit, sallunaveeqqutitut pilliuteqartussanngorlugu isumaqatigiissuteqarfigineqarsinnaavoq.


KB.: Oqaaseq allannngortinneqassappat oqaatsit allat aamma allannngortittariaqalissapput. Inuup piunasaqartup sallusoqannnginnissaa anguniarlugu inunnik tiguaasarpoq. Imatullu sooq oqartoqartarpoq: "Uku inuit *sallunaveeqqutitut* tiguakka!" Salluneq pinngitsaaliinermut tunnganngilaq taamatullu isumaqatigiissutaasariaqarani. KB-ip *sallunaveeqqummut* taarsiullugu siunnersuutigaa oqaaseq *salloqittarnaveeqqut*.

NM.: Oqaaseq *sallunaveeqqut* ikkutereermat apeqquseqqittariaqanngilaq. Qangali atuuppoq, inuillu taaneqaraangat naluneq ajorpaat suna pineqarnersoq.

CCO.: *Kapringip* isumaa tassa: pinerliilluni tiguaaneq. *Gidse*lilli tassaallutik inuit tiguaanermi neqitarineqartut. Assigiinngissutaat immikkoortilluinnartariaqarput. CCO-ip siunnersuutigaa eqqartugaq tamuaqqinneqassasoq, kingusinnerusukkut siunnersuuteqarfigisinnaanngorlugu.

- 6 pillugu -

CCO.: Oqaasiliortut ordbogi allaqqissaarnermut najoqqutassiap (retskrigningsordbog) suliarineqarnera akisussaaffigaat. Ordbogilli allat oqaasiliortut akisussaaffinngilaat. Taamaattumik pisariaqartitsineq



eqqarsaatigalugu Miilu Lars Lundip suliaa nassuiaatitut isigalugit iluatinnaateqarput.

CCO Atuakkiorfik/Ilinniusiorfik-mut allakkatigut ilaatigut makkuninnga siunnersuusiussaaq:

- Saqqummersinnissaa namminneq aalajangissagaat.
- Taaguutit nassuiaatillu immikkoortittariaqartut.


AS.: Ordboginik saqqummersitsisartut eqqarsaatigalugit Oqaasiliortut pisinnaatitaaffii eqqornerusumik, sukannernerusumik erseqqinnerusumillu inatsimmi oqaasertalersorneqarnissaat pisariaqarpoq, tassuunakkut oqaatsit kukkusumik saqqummiunneqarnissaat ingalassimatinniarlugu Oqaasiliortut inatsisitigut sunniuteqaqataasinnaangortillugit.

KB.: Oqaasiliortut nassuiaasussatut nalinerneqartarnerat piunaffigineqartarnerallu inatsisitigut iluarsisariaqarpoq, inassuteqartartut inissisimanerat erseqqissarnerullugu.

- 7 pillugu -

CCO.: Oqaatsinut politikksamut innersuussuteqarnissamut tunngatillugu maannakkut allakkat kingullit katiterneqarput. **Oqallorissarfik**-mik pilersitsinissaq siunnersuutinut ilaavoq. Juunip ingerlanerani innersuusuaq, marloqiusanngorlugu immikkoortortaartoq saqqummersinneqassaaq. Saqqummersitassap aappaa innersuussutaannangajannik imaqassaaq, aappaalu itisilikkanik paasiniaaffigineqarsinnaangorlugu CD-ngorlugu atuakkatullu ilusilerlugu saqqummersinneqarsinnaanera maannangaaq misissuiffigineqarpoq.

CCO.: Nordisk Ministerråd piffissami qanittumi *domænetab* aamma *domænevinding* pillugit ataatsimiisitsissaaq. Nunatsinneersumit saqqummiunneqassaaq oqaatsivut sassaraluttuinartut danskullu oqaasii



pissuunguutaasimasut. Birgitte Jacobsenip kalaaliaqqat qallunaatut oqalunnerannik misissuina ilanngullugu saqqummiunneqassaaq. Nordisk Sprogrådip saqqummersittagaa "Nordisk Mødeliste" tullissaanik saqqummerpat Savalimmiormiut kalaallillu oqaasiinik taaguutit ilaassaapput. NM.: Oqaaseq *nunat inoqqaavi* inunnit, pingaartumik utoqqarnit tusarniigineqarlunilu ippigineqartarpoq. Assortuilluinnartut ilaasa oqaatigisarpaat Adamikkut Evalu nunat inoqqaarigaat.

CCO.: *Nunat inoqqaavi - nunat inuui* pillugit ima nassuiaateqarpoq:  
*Indigenou(s) peoplesip tunngavigaa aboriginal rights.*

*Native* tassaalluni nunap aalajangersimasumik pineqartup inuui.

*Aboriginal/abriginee*: nunat inuui.

*Urbefolkning/oprindelige folk*: nunat inoqqaavi.

ILO 157-imi oqaaseq una atorneqarsimavoq: *befolkninger*.


Nunat tamalaat isumaqatigiinniutaannut taaguutaammat tuluttut taaguutaat *indigenous peoples* kalaallisut nunap inoqqaavinik taaguuteqarpoq.

Adamikkut Evalu qulaani taaneqartunut attuumassuteqanngillat, upperisamulli tunngassuteqarlutik. Taaguutit qulaani tulleriissaakkat upperisarsionermut tunngaveqanngillat taamatullu sungiusimasaannarnik tunngaveqaratik.

KB.: Oqaatsinik imaluunniit taaguutinik assortuinernut ilanngullugu assersuutigineqarsinnaavoq maanna pilersinniarneqarlersoq **Ilimmarfik**.

Inatsisartut ilaannit malunnarpoq taaguutaa iluarineqanngitsoq. Una apeqqutinngorpoq. Taamannak taaguusersuisarnermut imaluunniit atsiisarnermut, atuarfinnik assigisaannillu imaluunniit aqqusinernik, kikkut oqartussaappat? Kikkut aalajangiisarpas? Nunani allani qanoq periuseqartarnersut paaserusunnarsinnaavoq.

CCO.: Nunani ataasiakkaani oqaatsit atuuttut aallaavigalugit aqqit taaguutillu aalajangersarneqartarput.



NM.: **Ilimmarfik**-mut tunngatillugu malunnarpoq inuit taaguutip taanissaanut sungiussiartortut. Qallunaat kalaallit taaguutaannik ataqqinninnerulernerat tassuuna aamma takussutissaavoq.

CCO juuli qaammat aasaanerani sulinngiffeqassaaq. KO-ip juulimi sapaatip akunneri 28 aamma 29 sulinngiffeqarfigissavia, piffissarlu taanna Oqaasileriffik matoqqassaaq.

Oqaasiliortuni ataatsimiinnissaq tulleeq pissaaq tallimangornermi juunip ulluisa 15-ianni, nal. 13.00.

Carl Chr. Olsen  
Siulittaasoq

Kristine Olsvig  
Allatsi